

Pembrokeshire Public Services Board
Bwrdd Gwasanaethau Cyhoeddus Sir Benfro



COFNODION BWRDD GWASANAETHAU CYHOEDDUS SIR BENFRO
Dydd Mawrth 23 Chwefror 2021 am 10:00am (Cyfarfod Skype)

Yn bresennol:

Tegryn Jones	Prif Weithredwr, Awdurdod Parc Cenedlaethol Arfordir Penfro (Cadeirydd)
Sue Leonard	Prif Swyddog, Cymdeithas Gwasanaethau Gwirfoddol Sir Benfro (Is-Gadeirydd) (gadawodd am 12:00pm)
Richard Brown	Prif Weithredwr Interim, Cyngor Sir Penfro
Dr Steven Jones (SPJ)	Cyfarwyddwr Gwasanaethau Cymunedol, Cyngor Sir Penfro
Jonathan Griffiths	Cyfarwyddwr Gofal Cymdeithasol a Thai, Cyngor Sir Penfro
Darren Thomas	Pennaeth Seilwaith, Cyngor Sir Penfro (gadawodd am 12:00pm)
Rachel Moxey	Pennaeth Adfywio a Datblygu Economaidd, Cyngor Sir Penfro
Iwan Thomas	Prif Weithredwr, PLANED
Dr Barry Walters	Pennaeth, Coleg Sir Benfro
Yr Uwch-arolygydd	
Anthony Evans	Heddlu Dyfed Powys (gadawodd am 12:10pm)
Christine Harley	Pennaeth Uned Gyflawni Leol Dyfed Powys, Gwasanaeth Prawf a Charchardai Ei Mawrhydi
Y Cyng. Cris Tomos	Cyngor Sir Penfro
Kevin Jones	Prif Swyddog Tân Cynorthwyol, Gwasanaeth Tân ac Achub Canolbarth a Gorllewin Cymru
Ann Owen	Llywodraeth Cymru
Alison Perry	Cyfarwyddwr Comisiynu, Swyddfa Comisiynydd Heddlu a Throseddu Dyfed Powys
Andrea Winterton	Rheolwr Gwasanaeth Morol, Gweithrediadau, Cyfoeth Naturiol Cymru (o 10:45am)
Martyn Palfreman	Pennaeth Cydweithio Rhanbarthol, Partneriaeth Gofal Gorllewin Cymru
Philip Kloer	Cyfarwyddwr Meddygol Gweithredol, Bwrdd Iechyd Prifysgol Hywel Dda (gadawodd am 12:15pm)
Elaine Lorton	Cyfarwyddwr Sirol, Sir Benfro, Bwrdd Iechyd Prifysgol Hywel Dda (gadawodd am 11:25am)

Yn bresennol

Chris Bowron	Cymdeithas Llywodraeth Leol Cymru
Alan Netherwood	Ymgynghorydd, Netherwood Sustainable Futures (gadawodd am 12:00pm)
Viola Traynor	Swyddog Cymorth Polisi Corfforaethol, Cyngor Sir Penfro
Clare Hale	Rheolwr Partneriaeth Strategol a Chynhwysiant, Bwrdd Iechyd Prifysgol Hywel Dda

Cymorth/Ysgrifenyddiaeth

Nick Evans	Rheolwr Polisi a Phartneriaethau Corfforaethol, Cyngor Sir Penfro
Lynne Richards	Swyddog Partneriaethau Corfforaethol, Cyngor Sir Penfro
Amy Richmond-Jones	Gwasanaeth Tân ac Achub Canolbarth a Gorllewin Cymru
Jemma Rees	Swyddog Cymorth Partneriaethau Corfforaethol, Cyngor Sir Penfro

Ymddiheuriadau

Anna Bird	Pennaeth Datblygu Partneriaeth Strategol, Bwrdd Iechyd Prifysgol Hywel Dda
Ros Jervis	Cyfarwyddwr Iechyd y Cyhoedd, Bwrdd Iechyd Prifysgol Hywel Dda
Alyson Phillips	Rheolwr Partneriaeth Sir Benfro, Yr Adran Gwaith a Phensiynau
Anna Malloy	Porthladd Aberdaugleddau
Y Cyng. Elwyn Williams	Is-Gadeirydd Awdurdod Tân Canolbarth a Gorllewin Cymru
Maria Battle	Cadeirydd, Bwrdd Iechyd Prifysgol Hywel Dda
Diane Lockley	Pwyllgor Ardal Un Llais Cymru Sir Benfro

Dechreuodd y cyfarfod am 10:05am

1. Croeso ac Ymddiheuriadau

Gwnaed cyflwyniadau a derbyniwyd ymddiheuriadau gan y rhai a restrir uchod.

2. Cofnodion y cyfarfod diwethaf

Cadarnhawyd fod cofnodion y cyfarfod diwethaf a gynhaliwyd ar 24 Tachwedd 2020 yn gofnod cywir.

3. Diogelwch a Chydlyniant Cymunedol

Rhoddodd SPJ drosolwg o'r papur gan nodi y bu cynnydd mewn materion diogelwch cymunedol a chydlyniant cymunedol dros y nifer o fisoedd diwethaf, a'r rheiny'n gysylltiedig yn uniongyrchol ac yn anuniongyrchol â phandemig Covid-19, gyda chyfarfodydd y Bartneriaeth Diogelwch Cymunedol yn cael eu cynnal bob chwe wythnos o fis Mawrth 2020. Mae'r materion wedi effeithio ar nifer o gymunedau ledled Sir Benfro mewn amryw ffyrdd, yn ogystal ag effeithio ar adnoddau nifer o bartneriaid y Bwrdd Gwasanaethau Cyhoeddus. Roedd y cynnig yn y papur yn gofyn i bartneriaid ystyried a fyddai'n briodol i'r Bwrdd Gwasanaethau Cyhoeddus gael diweddariadau rheolaidd am ddiogelwch a chydlyniant cymunedol gan hefyd ystyried sut y gall materion diogelwch cymunedol perthnasol gael eu cofnodi a'u cynnwys yn yr Asesiad Llesiant a oedd wrthi'n datblygu.

Cefnogwyd y cynnig gan y partneriaid.

4. Rhaglen Gwirfoddoli dros Sir Benfro

Rhoddodd Sue Leonard ddiweddariad i bartneriaid y Bwrdd Gwasanaethau Cyhoeddus ynglŷn â'r rhaglen a darparodd ddiweddariad mwy penodol ar ddatblygu strategaeth gwirfoddoli, yr hwb cymunedol, y gronfa gymunedol, grwpiau Rhwydwaith Cymorth Cymunedol Sir Benfro a gwaith gyda Chynghorau Tref a Chymuned.

Amlygodd y meysydd o fewn y rhaglen lle byddai angen cymorth gan bartneriaid y Bwrdd Gwasanaethau Cyhoeddus, yn benodol mewn perthynas â datblygu;

PAWB

- Strategaeth Wirfoddoli ar gyfer Sir Benfro – byddai dau ddigwyddiad yn cael eu cynnal i gefnogi'r maes hwn o ran gwaith a gofynnodd SL i bartneriaid rannu eu strategaethau gwirfoddoli hefyd. Byddai strategaeth ddrafft ar gyfer Sir Benfro ar gael erbyn diwedd mis Mawrth i bartneriaid y Bwrdd Gwasanaethau Cyhoeddus ymrwymo iddi'n gyffredinol
- Cronfa Gymunedol Sir Benfro – y gobaith oedd, trwy fuddsoddi mewn cydnerthedd cymunedol, y gallai'r gronfa gymunedol ddarparu cyfleoedd i fuddsoddi'n gyson a gyrru camau gweithredu mewn cymunedau yn eu blaenau ar lefel fwy strategol
- Gwobrau cydnabod gwirfoddolwyr – byddai hyn yn cynnwys diweddaru Gwobrau Balchder yn Sir Benfro'r Bwrdd Gwasanaethau Cyhoeddus. Roedd JR wrthi'n cynnal gwerthusiad o broses y gwobrau hyd yma. Nododd SL fod angen mwy o gefnogaeth i'r gwobrau gan bartneriaid o ran cyllid gan mai Cyngor Sir Penfro oedd yr unig sefydliad ar hyn o bryd a oedd yn rhoi cyllid ar gyfer y gwobrau misol. Wedyn gallai partneriaid a oedd yn rhoi cyllid tuag at y gwobrau 'noddi' gwobr, a fyddai o gymorth i godi ymwybyddiaeth o'u hymwneud â'r Bwrdd Gwasanaethau Cyhoeddus yn gyffredinol ac o fewn eu sefydliadau hwy eu hunain. Cynigiodd nifer o bartneriaid gyllid tuag at y gwobrau.
- Cynyddu dinasyddiaeth weithredol – roedd hwn yn ddarn o waith a oedd yn mynd rhagddo i godi ymwybyddiaeth o waith Cyngorau Tref a Chymuned a manteision ymwneud â gweithgarwch cymunedol a oedd yn cynnwys Planed, Cymdeithas Gwasanaethau Gwirfoddol Sir Benfro ac Un Llais Cymru

Roedd Sir Benfro wedi cael £240k ar 22 Ionawr a nododd SL ei fod yn glod i'r trefniadau partneriaeth a oedd eisoes wedi'u sefydlu bod Sir Benfro wedi rhoi pethau ar waith yn gyflym gyda gwaith wedi hen ddechrau mewn nifer o feysydd gan y byddai angen defnyddio'r cyllid erbyn 31 Mawrth. Rhoddodd JG ddiweddariad byr ar y cysylltiadau rhwng y gwaith hwn a rhaglen drawsnewid Cyngor Sir Penfro.

5. Diweddariadau ar gynnydd gyda Chynlluniau Gweithredu

Darparodd partneriaid y Bwrdd Gwasanaethau Cyhoeddus ddiweddariadau byr ar y cynnydd o ran cyflawni'r cynlluniau gweithredu a gymeradwywyd gan y Bwrdd ym mis Tachwedd 2020.

Adeiladu cysylltiadau â grwpiau perthnasol i gefnogi cyflwyno'r ffrydiau gwaith â thema Cymunedau (Arweinwyr - Sue Leonard/Iwan Thomas)

Rhoddodd SL ddiweddariad byr ar y rhaglen Gyda'n Gilydd dros Newid a gwaith ymgysylltu pellach a oedd wedi digwydd mewn cymunedau. Rhoddodd drosolwg o rwydwaith Ymgysylltu a Chydgynhyrchu Sir Benfro a fu'n weithredol nifer o flynyddoedd yn ôl a gofynnodd am gefnogaeth partneriaid y Bwrdd Gwasanaethau Cyhoeddus i ailgynnull y rhwydwaith hwn gyda swyddogion ymgysylltu'r partneriaid yn cael eu cynnwys ynddo.

Adeiladu cysylltiadau cryfach â Chynghorau Tref a Chymuned (Arweinydd - Iwan Thomas)

Eglurodd IT sut yr oedd y darn penodol hwn o waith wedi esblygu a beth oedd y prosiect CWBR wedi'i gyflawni o ran meithrin cysylltiadau â Chynghorau Tref a Chymuned.

Cyfeiriodd hefyd at y gwaith a oedd yn cael ei wneud gan Gyngor Sir Penfro a seminar gyda Chynghorau Tref a Chymuned, Cyngor Sir Penfro, Cymdeithas Gwasanaethau Gwirfoddol Sir Benfro a Planed a gynhaliwyd ym mis Ionawr i gefnogi cyfathrebu ac ymgysylltiad gyda hwy wrth edrych tua'r dyfodol. Roedd ail seminar yn mynd i fod yn cael ei chynnal ar 25 Chwefror.

Fforwm Cyfalaf Naturiol Cynaliadwy Sir Benfro (Arweinydd - Sue Leonard)

Nododd SL fod hwn yn ddarn o waith a oedd yn cael ei ariannu trwy gyllid strategol a ddyrannwyd gan Cyfoeth Naturiol Cymru hyd at ddiwedd mis Mawrth 2021. Ged Davies oedd yr ymgynghorydd a oedd yn gwneud y gwaith ar ran Cymdeithas Gwasanaethau Gwirfoddol Sir Benfro. Roedd gan dros 60 o sefydliadau ac unigolion ddiddordeb mewn ymuno â'r fforwm hyd yn hyn ac roedd nifer o gyfleoedd wedi cael eu hadnabod ar gyfer cyllid i gefnogi'r syniadau yr oedd y fforwm wedi esgor arnynt.

Adolygiad o weithgareddau sy'n helpu i wneud Sir Benfro sy'n garbon niwtral (Arweinydd - Tegryn Jones)

Nododd TJ fod y gwaith hwn hefyd yn cael ei ariannu gan Cyfoeth Naturiol Cymru trwy gyllid strategol a ddyrannwyd ond mai dim ond megis dechrau ydoedd gyda'r ymgynghorwyr Land Use Consultants wedi'u penodi wythnos diwethaf. Roedd wyth cynnig wedi cael eu cyflwyno i wneud y gwaith. Roedd manylion cyswllt perthnasol gan sefydliadau partner y Bwrdd Gwasanaethau Cyhoeddus wedi dod i law ac felly gallai gwaith ar y prosiect ddechrau.

Datblygu dull a rennir ar gyfer llesiant staff ar draws sefydliadau partner y Bwrdd Gwasanaethau Cyhoeddus (Arweinwyr - David Evans/Alyson Phillips)

Nododd BW fod gwybodaeth gan Goleg Sir Benfro a'r Adran Gwaith a Phensiynau wedi cael ei chasglu hyd yma ac y cysylltwyd â chynrychiolwyr Adnoddau Dynol y Bwrdd Gwasanaethau Cyhoeddus i ofyn iddynt drefnu bod unrhyw wybodaeth berthnasol ar gael. Y cam gweithredu allweddol ar gyfer y cyfnod adrodd nesaf fyddai dod â'r grŵp hwn ynghyd ar gyfer trafodaeth fwy manwl.

Codi ymwybyddiaeth o gynlluniau a mentrau i gefnogi cyflogaeth a hyfforddiant (Arweinwyr - David Evans/Alyson Phillips)

Roedd cynlluniau a oedd yn weithredol yng Ngholeg Sir Benfro a Chyngor Sir Penfro yn mynd yn eu blaenau, a dywedodd BW fod hynny'n beth cadarnhaol dan yr amgylchiadau presennol. Roedd 180 o unigolion wedi dechrau'r cynllun Kickstart gyda Chyngor Sir Penfro ers mis Tachwedd 2020 ac roedd 55 o geisiadau pellach wedi cael eu cyflwyno ac yn disgwyl i gael eu gwerthuso gan yr Adran Gwaith a Phensiynau.

Mapio gweithgarwch presennol sydd â ffocws ar yr hinsawdd a'r amgylchedd (Arweinydd - Andrea Winterton)

Nododd AW mai un o'r materion sydd i'w gweld fel pe baent yn dod i'r amlwg wrth i ni ddatblygu ffocws cynyddol ar weithgarwch sydd â ffocws ar y newid yn yr hinsawdd yw'r diffyg strategaeth ar yr hinsawdd ar gyfer Sir Benfro gyfan. Er bod y nodau ar gyfer symud tuag at fod yn garbon niwtral yn eglur, mae'r elfennau o ran addasu i'r newid yn yr

hinsawdd ychydig yn fwy ad hoc ac oportiwnistaidd, ac weithiau ceir diffyg cydlynad a dull strategol ledled y sir.

Dywedodd AW ei bod hi'n teimlo bod hyn yn rhywbeth yr oedd angen ei godi gydag aelodau'r Bwrdd Gwasanaethau Cyhoeddus. Er mwyn helpu gyda'r camau cyntaf tuag at ddull mwy cydgysylltiedig ar y mater hwn ledled Sir Benfro mae angen dealltwriaeth dda am yr hyn sydd eisoes yn digwydd yn lleol felly gyda hynny mewn golwg mae grŵp gorchwyl a gorffen wedi cael ei drefnu ar gyfer dechrau mis Mawrth.

Ffocws y grŵp gorchwyl a gorffen fydd:

- deall pa waith sy'n cael ei wneud yn barod
- cydlynu gwaith ar addasu i'r newid yn yr hinsawdd a'i wrthsefyll yn well
- sicrhau bod gwaith ar addasu a gwrthsefyll yn awr ac yn y dyfodol yn cael ei wneud mewn ffordd gydgysylltiedig, gydlynol
- osgoi dyblygu ymdrech a hybu camau gweithredu cyflenwol
- goleuo datblygiad strategol trwy wneud gwaith ymarferol

Er bod gorgyffwrdd amlwg cytunwyd hefyd y byddai grŵp gorchwyl a gorffen ar wahân yn cael ei sefydlu i ganolbwyntio yn yr un modd ar ddull cydlynol, cydgysylltiedig o fynd i'r afael ag argyfwng byd natur trwy weithio i gyflawni cydnherthedd ecosystemau.

Adeiladu Cymunedau sy'n Gallu Dygymod â'r Newid yn yr Hinsawdd (Arweinydd - Andrea Winterton)

Y prosiect Adeiladu Cymunedau sy'n Gallu Dygymod â'r Newid yn yr Hinsawdd yw ail ran y dull yn dilyn y prosiect peilot a gynhaliwyd yng nghymunedau Abergwaun ac Wdig, ardaloedd y nodwyd eu bod yn agored i risgiau'r newid yn yr hinsawdd mewn prosiect cychwynnol gan Cyfoeth Naturiol Cymru gwpl o flynyddoedd yn ôl. Nododd AW yr heriau a oedd yn rhan o'r math hwn o waith, yn anad dim o ran darparu adnoddau a ffyrdd o weithio.

Wedyn rhoddodd AN gyflwyniad ar y gwaith yr oedd ef wedi'i wneud yn Abergwaun ac Wdig, gan ddarparu trosolwg o bob un o'r meysydd canlynol;

- o Y Cynllun a ddatblygwyd ar gyfer yr ardal a blaenoriaethau a argymhellir
- o Y broses ymgysylltu a sefydliadau ac unigolion yr ymgysylltwyd â hwy
- o Ble y dylai'r Bwrdd Gwasanaethau Cyhoeddus chwarae rhan a sut

Wedyn bu partneriaid yn trafod y cyflwyniad ac awgrymiadau ynghylch rôl Byrddau Gwasanaethau Cyhoeddus yn y dyfodol.

Nododd AW y byddai angen adnoddau ar gyfer y camau gweithredu a nodwyd yn y cyflwyniad, yn enwedig pe bai'r broses yn cael ei hailadrodd ledled Sir Benfro. Ailadroddodd ei sylwadau cynharach am y dull ad hoc mewn perthynas â'r agenda addasu ac awgrymodd y byddai trafodaeth fwy strategol yn galluogi partneriaid i ganolbwyntio ar y meysydd gorau i dargedu adnoddau ac archwilio cynigion am adnoddau ychwanegol pe bai angen. Cytunodd TJ fod angen dull mwy strategol. Gofynnodd SPJ beth oedd y camau ymarferol yr oedd Byrddau Gwasanaethau Cyhoeddus Gogledd Cymru wedi'u cymryd yn ychwanegol at lobïo Gweinidogion. Amlinellodd AN y dull a ddefnyddiwyd yng Ngogledd Cymru a oedd wedi archwilio'r posibilrwydd o fynd i'r afael ag argyfwng y newid yn yr hinsawdd trwy efelychu'r broses cynllunio at argyfwng gan ddefnyddio dull llywodraethu Aur/Arian/Efydd ac fe gytunodd i anfon yr adroddiad a'r argymhellion o Ogledd Cymru ymlaen at SPJ.

Awgrymodd AW mai ymarfer mapio ddylai fod y cam cyntaf o ran deall ble y mae'r bylchau a'r angen yn y trefniadau presennol. Roedd y partneriaid yn cytuno bod rhinweddau'n perthyn i'r dull llywodraethu ac egwyddor cyfeiriad strategol a oedd yn cael eu defnyddio yng Ngogledd Cymru. Nododd DT y gallai Byrddau Gwasanaethau Cyhoeddus ychwanegu gwerth sylweddol o ran cefnogaeth a chydlynu strategol a'i fod yn hapus i chwarae mwy o ran yn enwedig o ystyried ei rôl strategol bresennol mewn materion arfordirol a llifogydd a chynllunio at argyfwng. Cytunwyd fel a ganlyn;

- Mae ymarferion mapio eisoes yn digwydd fel rhan o waith y Bwrdd Gwasanaethau Cyhoeddus gan Cyfoeth Naturiol Cymru ac Awdurdod Parc Cenedlaethol Arfordir Penfro i fwrw golwg ar y rhan a chwaraeir gan sefydliadau'r Bwrdd Gwasanaethau Cyhoeddus mewn rhaglenni carbon niwtral a gweithgarwch sydd â ffocws ar yr hinsawdd a'r amgylchedd. Unwaith y bydd y gwaith hwn wedi cael ei gwblhau bydd yn cael ei ystyried ochr yn ochr â'r adroddiad ar y prosiect Dygymod â'r Newid yn yr Hinsawdd yn Abergwaun ac Wdig i bennu meysydd blaenoriaeth i ganolbwyntio arnynt (Tegryn Jones ac Andrea Winterton i symud y gwaith hwn yn ei flaen)
- Wedyn bydd cyfarfod o gynrychiolwyr sefydliadau'r Bwrdd Gwasanaethau Cyhoeddus ar lefel 'Aur' yn cael ei drefnu i drafod sut y gellir bwrw ymlaen â'r dull hwn, gydag adroddiad ar y cynnydd yn cael ei gyflwyno i gyfarfod nesaf y Bwrdd Gwasanaethau Cyhoeddus ym mis Ebrill

TJ/AW

TJ/NE/
LR i
drefnu

6. Cynllunio Asesiad Llesiant 2021-22

Nododd NE ei bod yn ofynnol i'r Bwrdd Gwasanaethau Cyhoeddus gynnal Asesiad Llesiant i oleuo'i Gynllun Llesiant, a bod angen cwblhau'r Asesiad Llesiant nesaf erbyn mis Mai 2022. Datblygwyd yr Asesiad Llesiant cyntaf yn ystod 2016 ac fe ddefnyddiwyd dull rhanbarthol gyda Byrddau Gwasanaethau Cyhoeddus yng Ngheredigion a Sir Gaerfyrddin. Fe weithiodd y tri Bwrdd Gwasanaethau Cyhoeddus mewn partneriaeth gyda'r Bwrdd Partneriaeth Rhanbarthol hefyd, y mae'n ofynnol iddo gynnal Asesiad Poblogaeth yn ôl Deddf Gwasanaethau Cymdeithasol a Llesiant (Cymru) 2014. Darparwyd ffordd arfaethedig ymlaen ac amserlenni drafft i'r Aelodau ar gyfer datblygu'r Asesiad Llesiant nesaf. Fe wnaeth partneriaid y Bwrdd Gwasanaethau Cyhoeddus gymeradwyo'r dull arfaethedig.

7. Cynllun Adfer Economaidd

Cyflwynwyd copi o'r Cynllun Adfer Economaidd a ddatblygwyd gan Grŵp Adfer Economaidd y Cyngor ac a gymeradwywyd gan y Cabinet ym mis Medi 2020 i bartneriaid y Bwrdd Gwasanaethau Cyhoeddus, gan eu gwahodd i ystyried sut y gallant fanteisio ar gyfleoedd i gydweithio i gyflawni adferiad ac adfywiad economaidd ledled y Sir. Fe wnaeth Rachel Moxey, Pennaeth Datblygu ac Adfywio Economaidd, amlygu'r mesurau o lwyddiant a oedd wedi'u cynnwys yn y Cynllun ac a oedd yn seiliedig ar themâu Cysylltiedig, Cynnig a Darganfod. Nodwyd fod cyfleoedd i gysylltu'n agosach â phartneriaid y Bwrdd Gwasanaethau Cyhoeddus mewn perthynas â'r Cynllun yn gyffredinol ac yn arbennig y mesurau o lwyddiant.

8. Diweddariad ar Raglen Drawsnewid Integreiddio'r Blynyddoedd Cynnar

Darparwyd diweddariad byr ar gyfer y partneriaid ynglŷn â'r rhaglen, sy'n troelli o amgylch profi'r elfennau craidd ar gyfer un gwasanaeth blynyddoedd cynnar integredig ac ystyried beth fydd yn ei gymryd i ddatblygu gwasanaeth blynyddoedd cynnar cwbl integredig ac ymatebol yn ardal pob awdurdod lleol, gyda ffocws ar gydlynw gwasanaethau'n lleol, eu cynllunio a'u comisiynu a sut orau i adnabod a diwallu anghenion. Dyfarnwyd cyllid ym mis Ionawr 2021 i alluogi Sir Benfro i gynnal nifer o ymarferion mapio a chwmpasu i ategu'r broses. Roedd yn ofynnol i'r cynnig i Lywodraeth Cymru gael ei gymeradwyo gan Gadeirydd y Bwrdd Gwasanaethau Cyhoeddus, ac felly awgrymwyd fod y Bwrdd yn cael diweddariadau rheolaidd ar y cynnydd.

Cytunodd y partneriaid i gael diweddariadau rheolaidd ar y cynnydd gan gynnwys diweddariad manylach gan Swyddog Arweiniol Cyngor Sir Penfro yn y cyfarfod nesaf ym mis Ebrill.

**LR ar
gyfer yr
agenda**

9. Gwella Cyfathrebu

O dan drefniadau blaenorol y Bwrdd Gwasanaethau Lleol, roedd cylchlythyr yn cael ei lunio fel modd i roi diweddariad i randdeiliaid a thrigolion ynglŷn â chyflawni blaenoriaethau a rennir ac i amlygu enghreifftiau da o weithio mewn partneriaeth yn gyffredinol.

Amlinellodd NE y cynnig i ailgyflwyno'r cylchlythyr er mwyn gwella'r modd y mae'r Bwrdd Gwasanaethau Cyhoeddus yn cyfathrebu gyda rhanddeiliaid a thrigolion, i gynyddu amlygrwydd y Bwrdd Gwasanaethau Cyhoeddus ac i godi proffil gweithgarwch y Bwrdd Gwasanaethau Cyhoeddus ac ymwybyddiaeth gyffredinol ohono trwy gynnwys amrywiaeth o wybodaeth, gan gynnwys;

- diweddariadau ar gyflawni blaenoriaethau a deilliannau allweddol y Bwrdd Gwasanaethau Cyhoeddus
- datblygiadau cenedlaethol sy'n dod i'r amlwg a chanllawiau gan Lywodraeth Cymru a Chomisiynydd Cenedlaethau'r Dyfodol
- amlygu cyfleoedd i bobl gyfranogi mewn amryw fathau o weithgarwch ymgysylltu a chynnwys y gymuned
- hyrwyddo storïau newyddion da ac enghreifftiau o weithio'n effeithiol mewn partneriaeth yn y Sir
- hyrwyddo Balchder yn Sir Benfro (a / neu gynlluniau gwobrau gwirfoddol tebyg a allai ddod i'r amlwg)
- codi ymwybyddiaeth o fentrau pwysig y mae partneriaid unigol yn dymuno'u hyrwyddo

Nodwyd, er mai tîm Polisi a Phartneriaethau Corfforaethol y Cyngor fydd yn rheoli ac yn cydlynw'r broses, y bydd yn rhaid wrth fewnbwn gan holl bartneriaid y Bwrdd Gwasanaethau Cyhoeddus er mwyn gwneud y cylchlythyr yn addysgiadol, yn ystyrlon ac yn effeithiol.

Fe wnaeth partneriaid y Bwrdd Gwasanaethau Cyhoeddus gefnogi'r cynnig i ailgyflwyno cylchlythyr ac fe gytunon nhw y byddai eu hymwneud hwy o ran cyfrannu at y cynnwys a'i hyrwyddo a'i ddosbarthu'n allweddol i'w lwyddiant.

10. Unrhyw Fater Arall

Nododd TJ y byddai'n mynd i gyfarfod Cadeiryddion Byrddau Gwasanaethau Cyhoeddus fis nesaf gyda Phwyllgor Cyfrifon Cyhoeddus y Senedd i drafod cyflawni Deddf Llesiant

TJ

Cenedlaethau'r Dyfodol ac y byddai'n cylchredeg yr agenda i'r partneriaid os oedd yn berthnasol.

Daeth y cyfarfod i ben am 12:25pm.

DRAFT